

文選李注補正



正補注李選文

王雲五主編

叢書集成初編

文選李注補正

中華民國二十六年六月初版

輯者

孫志祖

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

★E1000

壽

文選李注補正序

崇賢生於唐初。與許淹公孫羅竝承江都曹憲。爲文選音訓蒼雅之學。遠有端緒。而李注盛行於世。學者與顏師古漢書注竝稱。良不誣也。呂延濟輩荒陋無識。甚媿六臣之目。明汲古閣毛氏本止載崇賢一家。藝林奉爲鴻寶。顧其書網羅羣籍。博洽罕有倫比。而釋事遺義。亦所不免。夫師古書蒼粹衆說精矣。然三劉吳氏迭有刊落。豈積薪之居上。亦集腋之易工。予用是喟然深思。不能已於握槩也。曩旣輯文選考異四卷。茲復合前賢評論。及朋儕商榷之說。附以管窺。仿吳師道校國策之例。輯李注補正四卷。以諗世之爲選學者。

嘉慶戊午臘月二十日仁和孫志祖撰

文選李注補正卷一

清 仁和孫志祖頤谷輯

兩都賦序

題注自光武至和帝都洛陽。西京父老有怨。班固恐帝去洛陽。故上此詞以諫。和帝大悅也。○正曰。余蕭客文選音義曰。按後漢書班固傳。自爲郎後。漸見親近。乃上兩都賦。及肅宗雅好文章。固愈得幸。則兩都賦明帝世所上。注誤。

蓋奏御者千有餘篇。○補曰。漢書藝文志。詩賦百六家。千三百一十八篇。

西都賦

作我上都。○補曰。李匡文資暇錄云。上都者。君上所居。人所都會。又秦地厥田上上。居天下之上。

汧涌其西。○補曰。趙氏曦明云。音義作汧水之汧。按爾雅注疏。凡水爲人所決陂障。與出而停成汧池者。皆名爲汧。合二句并上文讀之。從此義爲長。潘氏耒云。西古讀如先。

度宏規而大起。注。小雅爾雅曰。羌發聲也。度與羌古字通。度或爲慶也。○正曰。按古字度不通羌。注宜云慶與羌古字通。傳寫譌耳。然度字自當訓謀。不必改慶。

立十二之通門。注。周禮鄭氏曰。天子十二門。通十二子也。○補曰。葉氏樹藩云。按三輔黃圖曰。東則第一

霸城門。亦曰青門。第二清明門。內有藉田倉。亦曰藉田門。第三宣平門。亦曰東都門。南則第一杜門。亦曰覆盎門。第二安門。亦曰鼎路門。第三西安門。亦曰便門。西則第一章城門。亦曰光畢門。第二直城門。第三雍門。亦曰西城門。北則第一洛城門。第二廚城門。第三橫門。亦曰光門。凡十二門。

七相五公。注。相丞相也。漢書。韋賢爲丞相。徙平陵。車千秋爲丞相。徙長陵。黃霸爲丞相。徙平陵。平當爲丞相。徙平陵。魏相爲丞相。徙平陵。公御史大夫將軍通稱也。漢書曰。張湯爲御史大夫。徙杜陵。杜周爲御史大夫。徙茂陵。蕭望之爲前將軍。徙杜陵。馮奉世爲右將軍。徙杜陵。史丹爲大將軍。徙杜陵。○正曰。按呂向注。七相尙有王商王嘉。善注止五相。又向注。五公有張安世而無杜周。後漢書班固傳注。五公。謂田蚡爲太尉。長陵人。張安世爲大司馬。朱博爲司空。竝杜陵人。平晏爲司徒。韋賢爲大司馬。竝平陵人。與善注互異。

隆上都而觀萬國。○補曰。許氏慶宗云。爾正觀示也。

陪以甘泉。注。漢宮闕。疏曰。甘泉林光宮。秦二世造。○正曰。趙云。按三輔黃圖曰。甘泉宮。秦始皇二十二年作。漢武帝增廣之。林光宮。秦二世作。與此注不同。

離宮別館三十六所。注。離別非一所也。○補曰。後漢書注。三輔黃圖曰。上林有建章承光等宮一十一。平

樂繭觀二十五。凡三十六所。

增盤崔嵬。○補曰。後漢書作增槃業莪。注云。增。重也。槃。屋也。業莪。高也。

講論乎六藝。注周禮曰六藝禮樂射御書數。○正曰趙云六藝六經也。注多誤。說詳後文賦於是天子乃登屬玉之館。注服虔曰以玉飾因名焉。○正曰王世貞藝苑卮言云屬玉水鳥名。天子以柏梁災爲厭勝故上林諸觀多以水鳥名。見西京雜記。

東都賦

顧曜後嗣之末造。○補曰禮記諸侯之有冠禮夏之末造也。

體元立制。注杜預左氏傳注曰凡人君卽位欲其體元以居正。○正曰何氏焯云按如體元字乃杜注用班語不當引後注前。

乘時龍。注周易曰時乘六龍。○正曰何云後漢書注馬八尺以上曰龍。月令十二月駕蒼龍各隨四時之色。故曰時也。李注引易非是。

弦不睚禽。注說文睚視也音遞。○正曰案睚不當作視解。睚與題通。郭璞注爾雅釋言云題額也。廣雅釋天云不題禽不垺。與詭同遇蓋不題禽卽穀梁面傷不獻之意。

瞰四裔而抗稜。注漢書詔曰投諸四裔。○正曰案此句本出左傳。僭佻兜離。注闕兜字未釋。○補曰汪氏師韓云兜卽任也。見白虎通。

辟雍詩

於赫太上。注如淳曰太上天子也。○正曰按李周翰云太上天也。言天示我漢家所行之事。許云漢書淮

南王傳。欲以親戚之意。望於太上。匡衡傳言。太上者。民之父母。王褒四子講德論。太上聖明。是天子亦稱太上。如淳注是。

西京賦

薛綜注。○正曰。何云。此注謂出於薛綜。疑其假託。綜以赤烏六年卒。安得見王肅易注而引用之耶。綜傳有述二京解之語。恐亦不謂此賦也。又孫叔然始造反切。未必遂行於吳。許云。韋昭吳人。亦已用反切。如子虛賦。勺藥善用。韋昭音切也。志祖案。薛綜注張衡二京賦二卷。見隋書經籍志。

天啓其心。注謂五星聚也。○補曰。鄭語是天啓之心也。又晉語。非天誰啓之心。

於是量徑輪。考廣袤。注。南北爲徑。東西爲廣。善曰。說文曰。南北曰袤。○正曰。汪云。李引說文與薛綜解異。竊思徑其中也。輪其外也。廣言橫也。袤言直也。凡物圓則有徑輪。方則有廣袤。此注似猶未當。

坻嶸鱗胸。棧齟嶸嶮。注。廣雅曰。坻。除也。文字集略曰。嶸。崖也。○補曰。葉云。坻嶸。棧齟。俱實字。蓋坻之嶸。棧之齟也。藝林伐山云。鱗胸。卽鱗胸也。

衛尉八屯。注。漢書曰。衛尉掌門衛屯兵。○補曰。何云。八屯。謂長水、中壘、屯騎、武賁、越騎、步兵、射聲、胡騎。葉云。後漢百官志。衛尉所屬。南宮南屯。司馬主平城門宮門。蒼龍司馬主東門。元武司馬主元武門。北屯司馬主北門。北宮朱爵司馬主南掖門。東明司馬主東門。朔平司馬主北門。凡七門。又中興省旅賁令。衛士一人丞。據此。則西京時於七門司馬外。復設旅賁令。是爲八屯。考長水等校尉屬北軍中候。不屬衛尉。何

說誤也。徐氏鯉曰：按何義門以八校尉爲八屯，本六臣呂延濟注，確有依據。蓋漢以南北軍相統，八校尉雖屬北軍中候，而衛尉亦得統之也。若後志之七門司馬，已屬東京制度，且旅賁是令丞，不與諸屯之列，葉說非是。

獲林光於秦餘處，甘泉之爽塏。注：林光，秦離宮名也。甘泉，山名。○補曰：趙云：關輔記曰：甘泉宮，一曰林光宮，秦所造，在甘泉山，宮以山爲名。賦似主此說。許云：三輔黃圖：林光宮，胡亥所造，從廣各五里，在雲陽縣界。

上辯華以交紛。注：辯華，敷大也。○正曰：楊慎丹鉛錄云：辯華，辯駁華麗也。辯，古斑字。梁元帝纂文云：辯華，文麗也。

咸遡風而欲翔。○補曰：詩：如彼遡風。

參塗夷庭。注：庭，猶正也。○正曰：爾雅：庭，直也。

北闕甲第，當道直啓。○補曰：漢書：夏侯嬰傳：賜嬰北第第一曰：近我以尊異之。師古曰：北第者，近北闕之第，嬰最第一也。故張衡西京賦云：北闕甲第，當道直啓。

麗美奢乎許史。○補曰：爾雅：奢，勝也。

櫨爽櫨樛。○補曰：宋玉九辨：荀櫨樛之可哀兮。

篠簜敷衍。注：尚書曰：瑤琨篠簜既敷。○正曰：金氏姓云：瑤琨篠簜，各自爲句，此瑤琨二字誤帶。

柞木翦棘注賈逵國語字

脫注

曰槎邪斫也柞與槎同○正曰金云周頌曰載芟載柞注除木曰柞周禮秋

官柞氏掌攻草木何必借槎字作解

應鹿麋麋注毛詩曰應鹿攸伏○正曰金云吉日曰應鹿麋麋何以舍成句不引而引攸伏句耶

璿弁玉纓遺光儵爚注弁馬冠也又髦以璿玉作之纓馬鞅也以玉飾之○正曰左傳楚子玉自爲璿弁

玉纓杜預注云弁以鹿子皮爲之璿玉之別名次之以飾弁及纓詩云會弁如星

建元戈

誤刻

樹招搖注元戈北斗第八星名矛頭主胡兵招搖第九星名爲盾○正曰金云按天官書云

北斗七星

索隱曰徐整長歷云其二陰星不見

用昏建者杓曰說文云杓即招搖也

杓端有兩星一內爲矛招搖孟康曰近北斗

者招搖

招搖爲天不索隱曰

一外爲盾天鋒

晉灼曰外遠北斗也

諸家之說不同或以招搖爲北斗之一

或以爲斗外之星禮記招搖在上軍行四宿按方面招搖旋轉指麾此斗運中央之義其名自應屬斗不

應作斗外之星大氏說文近是至北斗本係九星而二陰星不見則元戈招搖之可見者必非斗之第八

九星也注家始以杓端兩星歸并斗中遂定以八九序次不知薛綜何據志祖案禮記招搖在上鄭注云

招搖星在北斗杓端王指者孔疏春秋運斗樞云北斗七星第一天樞第二旋第三璣第四權第五衡第

六開陽第七瑤光第一至第四爲魁第五至第七爲杓瑤光即招搖也是杓其總名招搖乃北斗第七星

名在斗內而不在斗外在斗外者名元戈即史記天官書所云一外爲盾天鋒者也選注以元戈爲矛招

搖爲盾又以元戈爲北斗第八星招搖爲第九星竝誤

奮鬣被般注毛萇曰鬣般虎皮也。上林賦曰被斑文般與斑古字通。○正曰金云奮鬣蓋戟鬚植髮之意。當別有引證。毛說不甚清晰。或有脫文。

徒搏之所撞秘。○補曰說文撞扞擣也。方言南楚凡相推搏曰秘。

鼻赤象圈巨豨。注象鼻赤者怒巨豨。豨也。怒走者爲豨。謂能戾象鼻。又穿豨以著圈。善曰圈畜閑也。○正

曰金云按鼻者頓其鼻。即謂之鼻。猶子虛賦射麋脚麟。即謂持其脚也。豨者子虛賦有蝮豨。郭璞曰

蝮豨大獸長百尋。下文亦云巨獸百尋。是爲蔓延。字雖互異。即此一物也。大指謂象之赤者。則戾其鼻而

執之。豨之巨者。亦蹙之圈牢中耳。辭注未合。羽獵賦曰斫巨豨服虔但曰斫名

收禽舉鬣。○補曰金云詩助我舉柴。柴說文作桀。謂積禽也。舉鬣本此。

置互擺牲。○補曰周禮牛人凡祭祀共其牛牲之互。

大雀踐踐。○補曰金云此似僞作安息雀。

吞刀吐火。○補曰金云此則效犂靺鞨人之術也。

降尊就卑。○補曰禮記郊特牲曰此降尊以就卑也。

章后皇之爲貴。○補曰金云后皇字法本楚辭橘頌。

不常厥土。○補曰書盤庚曰不常厥邑于今五邦。

東京賦

由余以西戎孤臣而惺繆公於宮室。注：史記：由余本晉人，亡入西戎，相戎王，使來聘秦，觀秦之強弱。穆公示以宮室，引之登三休之臺。由余曰：臣國土階三尺，茅茨不翦，寡君猶謂作之者勞，居之者淫。此臺若鬼爲之，則神勞矣。使人爲之，則人亦勞矣。於是穆公大慚。○正曰：金云：史記載由余語，但有勞神苦民四句，無土階茅茨等語。且但云：示以宮室積聚，未嘗有登三休臺事。此自別有出處。志祖案：賈誼新書篇退讓，翟王使使至楚，楚王饗客於章華之臺，三休而乃至其上事。此注似參引彼文也。下文猶謂爲之者勞，居之者逸，注引賈子。始於宮隣，卒於金虎。注：鄰近也。謂幽王近於宮室，惑於褒姒，卒有禍敗也。金虎，西方白虎神主。金，白也。善曰：應劭漢官儀曰：不制之臣，相與比周。比周者，宮隣金虎。宮隣金虎，言小人在位，比周相進，與君爲隣。貪求之德，堅若金，讒謗之言，惡若虎也。○正曰：葉云：石氏星經云：昴者西方白虎之宿，太白者金之精，太白入昴，金虎相薄，主有兵亂。用修楊氏謂李善不知引甘石星經，而謬自爲說。如楊氏解，則金虎當指戰國合上宮隣之指，褒姒始卒，纔見確實，而下文嬴氏搏翼云云，脈絡亦貫矣。善於陸士衡答賈長淵詩中，金虎習質句，曾引星經，此何以獨援應劭之說耶？至王融曲水詩序中，宮隣昭泰，注：仍贅應說，於義更屬未安。

趙建叢臺於後。注：史記曰：趙武靈王起叢臺，太子園之三月，於後，在六國之時。善曰：鄒陽上書曰：全趙之時，武力鼎士，衽服叢臺之下。○正曰：何云？趙世家：無武靈王起叢臺事。故漢書鄒陽傳注：以爲趙幽王友所建。注誤。志祖案：新序卷九載：春申君上秦昭王書，有韓魏殺知伯瑤於叢臺之上語。史記作鑿臺。據此，則趙襄

子時已有叢臺。鄒陽書云：全趙之時，恐非幽王友所建也。但注引史記趙武靈王起叢臺，則史記無此文。恐誤耳。楊氏鳳苞曰：史記鑿臺注在榆次，即上文所云智氏見伐趙之利而不知榆次之禍也。戰國策亦作鑿臺，若叢臺在邯鄲城內，非一地也。新序叢臺蓋鑿臺之譌。

不度入不臧。○正曰：按注自云度法也，當如字讀，作入音誤。

紀禪肅然之功。注：肅敬也。○正曰：金云：按武帝禪泰山下趾，東北肅然山，肅敬也。句混雜應刪。

呼韓來享。注：戎狄呼韓，竝國名也。○正曰：金云：呼韓是單于之號，豈國名耶？

咸用紀宗存主。注：漢書景紀曰：高皇帝爲太祖廟，文皇帝爲太宗廟，言天子宜世世獻祖宗之廟也。○正

曰：金云：此謂高爲太祖，文爲太宗，武爲世宗，宜爲中宗，竝爲不遷之廟也。只注高文於咸用二字不合。

左右玉几而南面以聽矣。○補曰：漢書淮南王安諫伐閩越書云：負黼辰，憑玉几，南面聽斷。

發京倉。注：毛詩曰：曾孫之庾如坻如京。○正曰：何云？京倉二字出此，以禁財對舉，蓋指京師之倉也。

寶皇寮。注：皇寮，百官也。○正曰：何云？皇寮猶言大寮，注亦未明。

六元虬之奕奕。注：甘泉賦曰：六元虬。○正曰：金云：甘泉賦曰：六素虬，元素旣不盡合，更當推本於上林六

玉虬也。

彫弓斯彀。○補曰：詩敦弓旣句，敦彫弓彀，竝通。

滌饔飧之貪慾。注：滌，蕩去也。言有貪婪嗜慾者，皆滌蕩去之也。○補曰：金云：注解本文自明，但于射義未

見切貼。困學紀聞云：儀禮鄉射禮設豐燕禮有豐。注：豐形似豆而卑。三禮圖云：罰爵作人形，豐國名也。坐

酒亡國。戴孟戒酒。崔駰酒箴。豐侯沈酒。荷罍負缶。自戮于世。圖形戒後。李尤豐侯銘。豐侯醉亂。乃象其形。賦所謂滌貪慾者。或取諸此。

聲教布濩。注。布濩猶散被也。○補曰。上林賦。布濩閎澤。

剛瘡必斃。注。瘡難也。言鬼之剛而難者皆盡死也。○補曰。何云。王莽傳。晉灼注。剛卯銘曰。庶疫剛瘡。莫我敢當。

聲與風翔。澤從雲游。○補曰。聖主得賢臣頌。恩從祥風翔。德與和氣游。

亦又何求。○補曰。毛詩曰。亦又何求。

放心不覺。注。孟子曰。人有放心。不知求學問之道也。○正曰。學問之道也。五字。牽綴無理。應刪。瞻仰二祖。注。言瞻望高祖功庸。○正曰。趙云。二祖。高祖世祖也。

卻走馬以糞車。注。老子曰。天下無道。戎馬生於郊。天下有道。卻走馬以糞。河上公曰。糞者糞田也。兵甲不用。卻走馬以務農田。然今言糞車者。言馬不用而車不敗。故曰糞車也。○補曰。何云。文子曰。夫召遠者使無爲焉。親近者言無事焉。惟夜行者能有之。故卻走馬以糞車。軌不接于遠方之外。是謂坐馳。陸沈。善注。偶未及此。

章漢祚之有秩。注。秩常也。言明漢家之常秩也。○補曰。毛詩曰。有秩斯祜。

題注摯虞曰南陽郡治宛在京之南故曰南都○補曰李周翰注云南陽光武舊呈因置都焉桓帝時議欲廢之故衡作是賦

微眇流睇蛾眉連卷○補曰上林賦曰長眉連娟微睇綿藐

白鶴飛兮繭曳緒注皆舞人之容○正曰潘氏末云白鶴飛舞態繭曳緒歌聲注誤

汰漫潏兮船容裔注上林賦曰漫潏隕墜○正曰金云高唐賦巨石溺溺之漫潏兮在前

章陵鬱以青葱○補曰後漢書光武紀望氣者蘇伯阿爲王莽使至南陽遙望見春陵城郭喟曰氣佳哉鬱鬱葱葱然

詠南音以顧懷注左氏傳楚鍾儀囚于晉與之琴操南音○正曰許云當引呂子音初篇禹始制爲南音此於帝王下決不用鍾儀囚晉事也

方今天地之睢刺注漢書音義曰方向也謂高祖也蒼頡篇曰今時辭也謂光武○正曰劉良注云方向也向今猶向時也言向時秦莽失政正是高祖光武革命之秋也

視人用遷○補曰尚書曰視民利用遷民作人避唐諱皇祖止焉注皇祖高祖也○正曰何云皇祖似謂考侯

蜀都賦

其閒則有琥珀丹青注博物志曰琥珀一名江珠○正曰按此賦下句云江珠瑕英則非一物而二名矣

垆野草昧。○補曰。周易曰。天造草昧。

浸以縣雒。注。雒水在上雒縣。出桐柏山。○正曰。何云。漢書地理志。廣漢郡雒縣。章山。雒水所出。南至新都。谷入湔。桐柏則在南陽平氏縣東南。淮水所出。恐誤。

紫梨津潤。○補曰。丹鉛錄云。注不言其狀。按蜀有梨樹。花以秋日。其花紅色。唐李遵有進紫梨表。元王秋澗有秋日詠紅梨花詞。可證。

囂塵張天。○補曰。左傳曰。湫隘囂塵。又曰。甚囂且塵上矣。

尉羅絡幕。○補曰。禮記曰。鳩化爲鷹。然後設尉羅。

彈言鳥於森木。○補曰。三國志王朗傳曰。牙獸屈膝。言鳥告歡。

殆而竭來。○補曰。子虛賦。怠而後發。殆怠通字。

焉獨三川。爲世朝市。○補曰。何云。三川謂魏都。張儀曰。親魏善楚。下兵三川。

吳都賦

旁魄而論都。注。旁魄取寬大之意。王孫謂寬大之意。論西都也。○正曰。按論西都不可解。潘云。都字似衍。因下有論都字。故誤耳。

惣有流而爲長。○補曰。潘云。惣卽惣字。

鳥則鷗鷖鷖鷖。玉注。鷗鷖。水鳥也。○補曰。金云。上林賦曰。駕鵝屬玉。殆卽此物。音同而字異耳。郭璞曰。

屬玉似鴨而大長頸赤目紫紺色者後人或以屬玉爲鷺之別名觀此處與鷺竝稱郭注又以爲紫紺色則非鷺也。漢書宣帝紀甘露二年屬玉觀注晉灼曰屬玉水鳥似鷺

鵲鶴鵲鶴注鵲鶴出南海桂陽諸郡○正曰金云鵲鶴恐是二物鵲卽鵲鶴蓋上句二物此句四物也

食葛香茅注食葛蔓生與山葛同根特大美於芋也豫章閒種之○補曰盛百二柚堂筆談云何義門以

爲食葛疑今番薯非也食葛理粗如首烏其大者若小兒形亦名乾葛予在嶺南惠潮之閒常食之

平仲君遷注君遷之樹子如瓠形○補曰丹鉛錄曰司馬溫公名苑云君遷子如馬妳俗云牛妳柿是也

今之造扇用此柿油

國稅再熟之稻○補曰許云水經溫水注名白田種白穀七月火作十月登熟名赤田種赤穀十二月作

四月登熟所謂再熟之稻也

左稱彎碣右號臨碕注吳後主起昭明宮於太初之東開彎碣臨碕二門彎碣宮東門臨碕宮西門○正

曰董氏潮云彎碣臨碕李周翰注以爲皆險峻也王荆公有彎碣詩

虞魏之昆顧陸之裔注虞虞文秀魏魏周顧顧榮陸陸遜○正曰何云虞魏吳志無傳文秀當作文繡文

繡則仲翔之父也魏周當作魏周榮顧榮當作顧雍

中酒而作○補曰漢書樊鄴傳項羽旣饗軍士中酒師古曰飲酒之中也不醉不醒故謂之中

藏鏹於人去戲自閭○補曰潘云去亦藏也